

Annexure II (a)

NI 17 JANUARY 2014-A MANGKHAI HALL, ZOTLANG, CHAMPHAI-A HUAIHAWT, VANTLANG INKHAWMA KALKHAWM MIPUITEN CHAMPHAI-ZOKHAWTHAR KAWNG PWD TEN THUAMTHAT TUMA HMA AN LAK MEK CHHUNGCHANGA AN NGAIHDANTE, AN HRIATCHIAN DUH LAITE ZAWHNA LEH RAWTNA AN SIAMTE LEH PROJECT NEITU (PWD)-TE CHHANNA KIMCHANG

S/N	ZAWTTU/SAWITU HMING LEH KHUA	ZAWHNA/NGAIHDAN/HRIAT CHIAN DUH/RAWTNA	PROJECT NEITU (PWD) CHHANNA
1	<p>TBCRohmingthanga</p> <p>Melbuk</p>	<p>Kawng kal dan tur:</p> <p>World Bank lam atangin vai ho an lo kal a, zangnadawmna chungchang vel an sawi a. Kawng kal dan tur velte pawh an sawi a, khawchhungah kal ngei se kan duh a, amaherawh chu kan VC te leh khawtlang aiawhte pawisa Rs 10000/-aia tam sengin kan kal tir a, an la rawn final thei lova. Chu chu, tunah hian nangni hian in final thei em? Tin, tuna an survey khu an kaltlangpui dawn niin kan hria a, engtikah nge kawng laih a nih dawn a? Engtikah nge compensation kan dawn dawn?</p>	<p>Khawchhunga kawng kal chungchangah hian chhim lama kan va tihnaah pawh khawchhunga kal duh deuh vek mai an ni a, a thatna leh thatlohnate pawh kan sawiho nasa tawh a, a tawpah chuan kan mithiam tak takte'n an zirchiana nakin hun, keimahni tun hun mai ni lova environment leh social lamah pawh kan thattlanna tura tih a nih avangin a design hi final a ni ta a. Khawchhunga kal emaw kal loh emaw kha kan vaia thattlanna tur a ni tih kha lo hria ula. Tuna tha anga kan ngaih hi nakinah pawh a lo tha lo zawk thei a ni tih mithiam hovin an hmuh avangin kan final na chu tuna kan tih ang kha a ni a. A chhanna chu tunah chuan tihdanglam theih a ni rih lo. Engtikah nge kawng an laih dawn tih leh engtikah nge compensation kan dawn dawn tih kha tunah cuan a ni la sawi fak theih a ni lo. Tunah hian India ram Sorkar leh World Bank hi loan negotiation chung changa, loan lak theihna turah khan February thla hian an inbiak kan beisei a.</p>

			<p>Chumiah chuan he kan kawng laih ve theihna tur hianin kan lehkha pawimawh ho hi kan zuk dahluh ve phawt a ngai a ni. Amaerawhchu kan tih tur hi a la tam em em mai a, nachina kan hmuh tak ang khan pre-construction stage a kan inpuahchahna hun kha a tlem em em mai si a, theihtawp chhuahin chhun leh zanin kan thawk a, kan zin a. Tuna kan dinhmun chu forest clearance Champhai-Zokhawthar forest hotute zarah kan hmu tawh a. Khami hma khan engineering lama kan tih tur ang angte chu tam tak kan ti zo tawh a, kan thelut tawh a. Environment lama kan tih tur hi tam tak kan zo tawh a, a vain kan zo tep tawh a ni. Social lamah compensation lam te pawh tunah hian kan la thawk mek zel a, a fel thei ang bera tih kan tum a ni tih min lo hriatsak u la. Tin, Champhai hi 1000 meters aia sang a nih avangin environmental clearance hi a lo ngai ve leh ta si a, chumi atan chuan tuna kan kalkhawm hi a pawimawh ta em em a ni. Environmental Clearance kan neih theihna turin vawiinni a Public Hearing kan neih chungchang reportte pawh hi kan thawn thla anga. Chutichuan February a loan negotiation a kan tel ve hmana, loan kan hmu thei a nih chuan kawng laih tan hun tur hi a chiang thei chauh dawn a ni.</p>
--	--	--	---

2	<p>C Lalhnunpuia</p> <p>Champhai Vengthlang,</p> <p>Fin. Secretary, Sub-Hqs YMA, Champhai District and member District Wildlife Warden</p>	<p>Ramngaw humhalh:</p> <p>Ramngaw leh nungchate humhalhna kawnga hmalakna dan tur chungchangah khan Pi Khuangi Lung leh Zokhawthar inkar saw nungchate la tamna lai deuh a ni a, Changel kham kan tih lai saw Sathar leh Saza te la tamna a ni a. Tun aia filha kawng saw lak hek a nih chuan an bo ngeiin a rinawma, tin, a bik takin Melbuk khaw hnuai Tuikhurlui kham leh Authangkhawk chhuah bawr saw Zawng, Sathar, Saza, Sakhi te tun thlenga an la awmna a ni a. Sawlai saw tan tlangin motor kawngpui hi laih tur a ni a, a bik takin Melbuk VCP Pu Vela hi Tuikhurchhuah a leilet neitu a ni a, keini in Authangkhawk chhuahah khian leilet kan nei a, thing saw tun thleng sawn kan la zuah a ni. Hman tangkaina tur tamtak awm bawk mahsela, khang nungchate bo lohna tur khan kan venghim a ni. Kangmei lakah pawh mimal chhawrin kan ven tir thin a ni. Tunah hian a tantlang chiah sawn kawng a kaltlang dawn ta a, helai takah hian nangmahni pawhin afforestation a kha min tihsak leh hi thain ka hria. Tin, tuna thing chhe tur a saw, kan ramchhunga mi ang te saw, thing, puitling pawm dawn engemaw zat la awmte saw chhiar a ni reng em? Engzat nge mimal rama hi sawilaiah sawn lak a nih tih hi keimahni ram chhung ngei pawh hi ka la hre chuanglo a ni. Hei Pu Zawma phei chu phone pawhin ka zu ti nghe nghe a, sawlai saw kham chhengchhia a nih vangin fur hnim karah khaw chhengchhia an survey thei lova, kan hnungdeuh lawk khan an paltlang thei chauh a ni a. Sawlai kawng kalna tura pawh saw chianguang hianin kan hre hlei theilo a ni. Chu chu nangmahni atang hianin khutah peihfel thlap a ni em? Sawlai ram neite leh an ram zauzawnga kha peihfel a ni tawh em tih laia kha? Tin, thing la ding zawng zawng mimal ram chhung ami saw</p>	<p>Pi Khuangi Lung leh Zokhawthar sawlai Changel kham vela Sathar leh thing leh maul eh Authangkhawk a zawng tih vel sawi kha a tha khawp mai a. Thing leh mau leh natural forest te hi kan lo kaltlang a tihchereu hlauhawma a awm chuan barbed wire a mipui kal theihna tur hung, a vaia hung vek chu a harsa anga, mahse mipuiin an kalpawh theihna lai hung kha chu kan tih turah ka ngai a. Tin, Sathar awmna lai vel kha chu tih vak ngaihna a awm lova, mahse kawnglahna lei vung kha tih tlak loh kan tum anga. Tin, motor thawm ringawtah kha chuan tlanche lo turah ngai i la, kan tihtheih bak kha chu forest department te pawhin an ti turah ngai i la. Kan theihtawp chu kan lo chhuah ang e. A tulnaah chuan barbed-wire pawh kan hmang zel turah ngai i la. Tin, ram neitute'n kangmei laka an lo veng thin te pawh a lawmawm khawp mai.</p>
---	---	--	--

		<p>chhiarchhuah a ni em nakinah zangnadawmna lo dawng dawn ta se? Tih kha ka zawhna a ni. Engpawhnise, vawiinniah hian he hmalakna tihlawhchham zawnga kal hi mipuite'n kan tih tur ni lovin ka hria a, ram hlauh tur kana wm ani, kan uitlang khawp mai a nihna takah chuan, he leilet zawlah pawh ram neitu chu ka nit ho, mahse khawtlangah a hruaina hna YMA ah te lo chelhtu kan ni a, hmala hmasatute'n Pu Chuauva te'n, " e nangni hma hruai rawh u", an ti a, mipui kan ngen zawk a ni. He kawng kal turina kan tana thatna a thlenna tura hian a buk rih zawk avangin, kan hmalam thlira vawiinniah pawh harsatna siam lova kan kaltlang tir niin ka hria a. Chulaite chu, nangmahni pawhin vawiina in sawi a kha mipui thinlung tithle theitu a ni, khatiang ang tak khan nakin hmalakna in neih theih takah pawh hian rawn tipuitling u la, min ti beidawng lulsuh se tih kha kan sawi hmasa lawk a ni e.</p>	
3	<p>Pu Rothangpuia Zotlang Village</p>	<p>Kawng siam thar rintlak dan tur leh kea kalna tur zuah chungchang: Kawng zau zawng kha a rawn sawi a, a chhah zawng pawh kha a pawimawh ve em em tho va. Tin, bakah, khatiang khawpa kawngpui a that kha chuan kawngpui kha a nelawm dawn lova, mihringte himnan a tawn tawnah footpath siam theih ni se. Tin, bakah, khawchhungah khawi emaw lai laiah hian overbridge hi pointah a awm lova, kha kha ka point a ni.</p>	<p>Kawng chhuat chhah zawng chu BC- 30 mm, BT- 50 mm, WBM- 250 mm, CST- 250 mm: Total- 580 mm emaw ½ metre ang vel kawng chhah zawng a ni ang. Overbridge emaw fly over hi chu kan siam thei lo a ni. Tin, mipui himna tur safety wall leh thildang kha chu kawngpui tha nei phawt i la kan la ngaihtuah zel turah ngai ang u.</p>
4	<p>Pu Zothangmura Zotlang Village</p>	<p>Tuihna tihchhiat tur: Zotlang khawlaia Verhpui Ruantlang peng bulah sawn khawlaiah tui-pump tha deuh mai kan nei a. Saw saw kawng siam tur in han survey danah chuan kawnglai a nih dawn hmel a, saw tui-pump saw min phum chhilhsak mai dawn nge? Engtin nge min tihsak dawn? Tih lai kha ka zawt duh a. Tin, he kawng in rawn laih turah hian mipui hi kan hlimin kan lawm khawp niin ka hria.</p>	<p>Tui-pump kha kan tichhia a nih chuan a bul remchang laiah tui-pump emaw tuikhur kan siam ang.</p>

5	<p>Pu Lalrintluanga</p> <p>Hruaikawn Middle School Headmaster</p>	<p>Bawlhhlawh paih chungchang: Report ngaihnaawmtak atanga ka ngaithlakin, tel ve lo thil pakhat awmin ka hria a. Mizoram Pollution Control Board in min conduct bawk a, khawpui a lo ni dawn a, kawngpui a lo kal chuan, khalaiah khan engtinngae bawlhhlawh hi kan paih ang? Hei Champhai khawpui pawhin kawng bulah an paih ringawt a, an hal a, a rimchhe em em a ni, a thenah chuan a uih bawk a. Khatiang ang kha min siamsak dawn lo nge? Report-ah khan ka hre ve tlat lo mai a, kha kha siam an tum em tih kha ka zawt duh a ni.</p>	<p>Bawlhhlawh paihna chungchang hi chu department dang chan a nih avangin sawi theih kan nei lo. Kawngpui hi tha phawt se la, bawlhhlawh paihna chu a awlsam nghal ang a, a paihna tur chu mipuite leh Pollution Control Board te nen pawh kan la ngaihtuah ho leh turah ngai ila.</p>
6	<p>Pu F Lalhnawla</p> <p>Zotlang</p>	<p>Sum dik taka hman: Hei kalkawng hi laih in tum a, kum sawm vel a thang tawh a. Tunah hian hei in han titan dawn chu a ni a, a lawmawm khawp mai. Amaherawh chu India ram state-ah khuanin khu Jammu atanga Ladakh te, Jammu atanga Zori te, Punch khulai thla vel Rajashthan-ah te khuan khaw tereuhte awmnaah pawh hian kalkawngpui tha em emin an siam a. Mizoramah chuanin chhum a rawn zing chek chek a kawng a min kan ti leh a. Mipuiin eitur kan baihvai leh mai a, in kawng rawn siam turah hian kawng tha tak tak phai ram ang khuan in siam thei dawn em tih kha ka zawhna che u a ni a. Tin, India ram state-ah khuan kawng tha an siamnaah khuan PWD hianin sum an hmang tam bik em tih leh, helaiah hianin Assembly-a an pharh ang zat hi department hianin an hmang em tih kha ka zawt duh che u a ni.</p>	<p>Kan Chairman khan a sawi nual tawh a, tin, PWD pawisa hman dan chungchang kha chu RTI hmang pawhin a la inzawhfiah theih ang a. Amaherawhchu, dik takin sum kan hmang ang, tih kha ka rawn puan theih a ni.</p>
7	<p>Pu C. Lalrammawia</p> <p>Mualkawi Village</p>	<p>Kawnglaih avanga in tihchhiat tur: Nichina Pi Tlani thusawiah khan Mualkawi ram saw lei ngetlo hmun a ni a, a rawn tih kha a dik a. Tiang chuanin tunah sawn Mualkawi khua saw diversion tur a nih kan hria a, chu chu khawchhunga lut turin theihtawpin kan ti a, amaherawhchu kan hlawhtling lutuk hmel lo va. Chulai karah chuan saw in nga emaw in ruk zet mai saw hlauhthawnawmin an awm a. Kumin furah pawh khan leimin avangin</p>	<p>Kawng laihein a tihchhiat tur ni lo, kawnglaih avanga leimin lo awm theiin a tihchhiat tur chungchangah kha chuan tihsak theih kan nei lova. Tunah chuan kawng area tur chauh kha kan tih theih chu a ni rih a ni. Abak kha chu a hun lo thleng se, kan hotute nen kan en zel turah ka ngai a, kawngin a tihchhiat bak kha</p>

		<p>chhungkaw pakhat phei chu an riak chhuak a. DC ah pawh kan report a, silpouline pawh engemaw zat min lo pe tawh a. Sawtiang ho saw dinhmun saw compensation-ah khan tel tura kan beisei ve lai khan an tel ta si lo va. Sawng sawn eng kawng pawhin helai kawng a kal chhuah hi chuan harsatna an tawh dawn Chiang a. Chungte chu engtia ngaihtuah tur nge ni reng ang? tih kha ka han zawt a ni.</p>	<p>chu tih theih a awm rih lo a ni.</p>
8	<p>Pu C. Lalhnunpuia Champhai Vengthlang, Fin. Secretary, Sub-Hqs YMA Champhai District and member District Wildlife Warden</p>	<p>Minor Irrigation hnuiaia Project tih bahlah leh vantlang inkhawm a thutawp siamtu:</p> <ol style="list-style-type: none"> 1. Minor Irrigation department-ina cheng vaibelchhe 1.2 senga an siam zawh tawh Lungloh minor irrigation project chu he kawng laih hian hmun thenkhatah a tihchhe dawn a, hemi chungchangah hian engnge hmalakna in neih? 2. Hei vawinah hearing neih a ni a, a final-tu in ni em tih kha ka zawt duh che u. 	<ol style="list-style-type: none"> 1. Engmah ruahmanna a la awm lova, department hotute nen a rang lamin kan sawi ho ang. 2. Chairman, Addl. D.C chhanna: Final leh final loh chu hei Mizoram Pollution Control Board hian nakinah helaia kan thu leh hla hi, kan thusawi zawng zawng, in sawi zawng zawng kha MoEF-ah an thawn thla ang a. Central sorkharin clearance hmu tlak an ni em tih kha chu thutawp an lo tithlu ang.
9	<p>Pu Thangvela Melbuk Village</p>	<p>Project thlawpna: Kawng siam tur hian kan khua paltlang turin vawi engmawzat kan zinchilh a, amaherawhchu awmzia a neih hmel lemin kan hre lo va, chuvangin kan beidawng a. Tin, tuna kawng in teh hnuhnun bera hi tunah chuan kan lung a awi tawh a, tunah chuan tha kan ti a, ram neitu zawng zawngte pawhin rem kan ti tlang a, a tha kan ti a, kan lunga awi a ni, tih kha ka rawn sawi ve duh a ni.</p>	<p>Pu Thangvela te khua Melbukin khawchhunga kawngpui kal tlang an duh em em laiin, an duh ang tak ni lova kan tic hung pawh a min la support tlat avangin an chungah PWD aiawhin lawmthu ka sawi e.</p>
10	<p>Pu Lalrorela Melbuk Village</p>	<p>Ram teh that leh: Ka ram an tehna chungchangah khanin nikhat an teh ni chuan ka awm ve a, an teh leh hun tur ni erawh chu min han hriattir tawh lem lovin ka awm lohvin an lo teh a. Kha kha, ka ramri leh engilo vel te pawh ka hriatloh khanin engtiangin nge an lo pawh dan pawh ka hre rih lo va. Chulai karah chuan ka lung a awi</p>	<p>Pu Lalrorela kha i ram an teh hmasa chuan i hria a, a hnuhnung teh chuan i awm ve lo ti raw? Khalaiah khan hming in sign vek lawi niin ka hre si a. Tunah khuan an khawih malh malha , duh leh nakinah clarification rawn la ta che. Nakinah min</p>

		tawk lo deuh va, kha kha tihdan kawngte min la zawnsak thei angem tih kha ka zawt ve duh lawk a ni e.	rawn phone mai dawn nia aw
11	<p>Pu David Thangluaia</p> <p>Chairman Champhai District NGO Coordination Committee</p>	<p>Project thlawpna:</p> <p>World Bank sum hmanga Champhai-Zokhawthar kawng laih tura ruahmanna lo awm ta hi kan lawm khawp mai, khawtlang ang pawhin. Tin, tunhma atang tawhin helai kawng hi kan insumdawn tawna Champhai khua hovina kan eibar zawna kawng a nih avangin thuitak hi sumdawnge leh motor neitute'n amahni thaa an lo laih tawhte a ni bawk a. Chutiang chu tunah Sorkhar tha chakna hmanga cheibawl tur a lo ni ta hi kan lawm em em a ni. Chutihlai erawh chuan nichina kan Pollution Control Board lamte leh Project enkawltu PWD lam hotute an rawn sawi tak ang khan kawng laih a lo nih khan thing leh mau leh kan tuikhurte chhe tur tam tak a awm a. Amaherawhchu, a chhe turte kha kan ui rual rualin leh khawtlang tana kan thlirin, he kawng tha tak maia a lo awma, mipuite'n a kan hlawkpui theihdan turte kan thlir erawh chuanin a chhe tur leh thil pawl thleng thei turte pawh kan ui zo lovah kan ingai a. Chuvang chuan kawng siam a ni tur hi kan lawm em em. Chutihrual erawh chuanin, mipuite chanvo humhahna tur kawngah khanin kan Sorkhar lamina Project kal ruala a tih ve tur ang chi eng eng emaw, mipuite hamthatna tur, tehkhin nan hmun thenkhatah chuan tuikawng sawnturte a lo awm ang a, tin, kekawng ang chi siamthar ngai ang chi te pawh a awm ang. Khang angah khanin kan Sorkhar lam hotu lamte pawhin min theihngihl lo turin kan duh a, mipuiin kan thusawi dante leh kan thlir dan han en vang vang khan kawng hi chu tha kan ti tlang a ni. Chutih rualin kan lo inhawn vennate tha taka min bawhzuisk zel turin kan ngen duh che u a ni.</p>	

